



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj: 08-34-1-3532/19
Datum: 4.11.2019. godine

Na osnovu člana 23. Zakona o namještenicima u organima državne službe u Federaciji BiH („Službene novine FBiH“ broj 49/05), člana 105. i 108. Zakona o zaštiti od požara i vatrogastva („Službene novine FBiH“ broj: 64/09), te na osnovu člana 97. i 100. Zakona o zaštiti od požara i vatrogastva ZE-DO Kantona („Službene novine ZE-DO Kantona“ broj 05/11), a u vezi sa članom 37. Zakona o namještenicima u organima državne službe u Federaciji Bosne i Hercegovine („Službene novine Federacije BiH“ broj: 49/05) i člana 30. Statuta Općine Tešanj („Službeni glasnik Općine Tešanj“ broj 11/07) Općinski načelnik objavljuje

**JAVNI OGLAS
za prijem u radni odnos u Općinu Tešanj**

U radni odnos primaju se:

1. **Referent – vatrogasac**, 1 (jedan) izvršioca na neodređeno vrijeme.
2. **Vatrogasac – pripravnik**, 2 (dva) izvršioca na period od 6 (šest) mjeseci

1. Referent - vatrogasac - 1 (jedan) izvršioca na neodređeno vrijeme.

Opis poslova

Referent - vatrogasac vrši poslove: učestvuje u gašenju požara i spašavanju ljudi i materijalnih dobara ugroženim požarom i eksplozijama na otvorenom prostoru, šumskih požara, požara na građevinama i materijalnim dobrima; u obavljanju svojih poslova direktno je odgovoran starješini grupe - vođi smjene; učestvuje u pružanju tehničke pomoći u spašavanju ljudi u neizostavim izazvanim u saobraćaju, poplavama, spašavanju sa visina i drugim akcidentnim situacijama i nesrećama u kojima mogu pomoći u spašavanju ugroženih ljudi i materijalnih dobara; učestvuje u provođenju određenih preventivnih mjera zaštite od požara i eksplozija utvrđene u planu zaštite od požara; učestvuje pružanju pomoći u spašavanju ljudi i materijalnih dobara kod postojanja prirodne i druge nesreće; učestvuje u stručnom i psihofizičkom osposobljavanju za brzu, sigurnu i efikasnu zaštitu ljudi i materijalnih dobara ugroženih požarom, akcidentom i drugim nesrećama; u okviru prava i dužnosti vatrogasci dužni su da: zadatke izvršavaju prema načelima vatrogasne taktike, kako bi za najkraće vrijeme, sa najmanjim mogućim oštećenjima objekta i imovine postigli bezbjedan rad i uspjeh; stara se o efikasnoj primjeni i održavanju opreme i sredstava za ličnu i kolektivnu zaštitu uređaja, uključujući i obezbjeđenje sredstava za gašenje požara; u izvršavanju zadataka upotrebljavaju lična i zajednička zaštitna sredstva i opremu; izvršava naredbe i komande koje se odnose na izvršavanje radnih zadataka u vatrogasnoj jedinici i akciji gašenja i spasavanja; učestvuje u stručnom i psihofizičkom osposobljavanju, prema utvrđenom planu i programu vatrogasne jedinice; sredstva veze koriste isključivo prema uputstvu za njihovo korištenje; po potrebi i pozivu starješine ili druge ovlaštene osobe odmah se javlja u vatrogasnu jedinicu; vatrogasci koji učestvuju na intervenciji ne smiju napustiti mjesto intervencije bez odobrenja rukovodioca akcije gašenja i spasavanja; za vrijeme dežurstva i u smjeni provode plan i program obučavanja; po potrebi, ukoliko ispunjava uslove upravlja vatrogasnim vozilom; pomaže serviseru u vršenju servisiranja vatrogasnih aparata; obavlja i druge poslove i po nalogu starješine i šefa službe.

Opći uslovi

Svi kandidati dužni su ispuniti opće uslove iz člana 24. Zakona o namještenicima u organima državne službe: da su državljanini Bosne i Hercegovine; da nisu otpušteni iz državne službe kao rezultat disciplinske mjere na bilo kojem nivou u Bosni i Hercegovini u periodu od tri godine prije dana objavljivanja upražnjene pozicije; da se na njih ne odnose odredbe člana IX. 1 Ustava Bosne i Hercegovine.

Posebni uslovi

SSS (minimalno III stepen) odgovarajuće struke tehničkog smjera (vatrogasne, građevinske, metalske, hemijske, elektrotehničke, šumarske ili drugi smjer tehničke struke) 10 mjeseci radnog staža, položen ispit za profesionalnog vatrogasca i vozačka dozvola "B" kategorije.

Na javni oglas kandidati su dužni priložiti (original ili ovjerenu kopiju):

1. Obrazac prijave - obavezno ovjeriti potpis na obrascu kod ovlaštenog organa (Općina, Sud ili notar).
2. Dokaz o stručnoj spremi.
3. Dokaz o radnom stažu (uvjerenje ili potvrda poslodavca, potvrda ili uvjerenje Porezne uprave) - *kao radni staž računa se radni staž ostvaren poslije tražene školske spreme, s tim da se u radni staž računa i pripravnički i volonterski staž, ostvaren u skladu sa Zakonom.*
4. Dokaz o položenom o posebnom ispitu za Vatrogasce (kandidati koji nemaju položen ispit mogu se primiti u radni odnos, ali su dužni ispit položiti najkasnije u roku od godinu dana od dana prijema u radni odnos u skladu sa članom 106. Zakona o zaštiti od požara i vatrogastvu u FBiH).

2. Vatrogasac – pripravnik, 2 (dva) izvršioca na period od 6 (šest) mjeseci

Posebni uslovi koje kandidati moraju ispuniti su:

- SSS ili KV radnik: III ili IV stepen školske spreme odgovarajuće struke tehničkog smjera (vatro-gasne, građevinske, metalske, hemijske, električarske, šumarske ili drugi smjer tehničke struke);
- da je psihofizički i zdravstveno sposoban za vršenje poslova vatrogasca
- da se protiv njega ne vodi krivični postupak, te da nije osuđivan za krivično djelo protiv života i krivično djelo protiv imovine;
- da nije stariji od 25 godina;
- da ima položen vozački ispit "B" kategorije.

Potrebni dokumenti koje kandidati dostavljaju su:

- Obrazac prijave - obavezno ovjeriti potpis na obrascu kod ovlaštenog organa (Općina, Sud ili notar).
- Original ili ovjerena kopija diplome o stručnoj spremi
- Ovjerena kopija vozačke dozvole za B kategoriju.

Kandidati koji blagovremeno dostave potpune prijave i dokažu da ispunjavaju opće i posebne uvjete pristupiće intervju pred komisijom, a poslije toga testiranje kandidata koje uključuje provjeru fizičke sposobnosti, prema Planu i programu obuke za stručno osposobljavanje, uvježbavanje i kondicioniranje profesionalnih vatrogasaca („Službene novine Federacije BiH“ broj 67/13).

Kandidati koji budu primljeni u radni odnos kao pripravnici polažu ispit za profesionalnog vatrogasca u roku od 3 mjeseca po isteku pripravničkog staža

Izabrani kandidati prije prijema u radni odnos, dostavit će potrebnu dokumentaciju kao ovjerenu kopiju ili original (dokumentaciju će dostaviti samo oni kandidati koju budu izabrani za prijem u radni odnos), u roku 10 dana od dostavljanja rješenja o izboru, i to:

1. Uvjerenje o zdravstvenoj sposobnosti za obavljanje poslova radnog mjesta.
2. Dokaz o državljanstvu.
3. Dokaz o posjedovanju vozačke dozvole "B" kategorije.
4. Uvjerenje Suda da se protiv kandidata ne vodi krivični postupak koji bi mogao biti ograničenje u vezi s obavljanjem istih ili sličnih poslova na koje se kandidat prijavljuje (original ili ovjerena kopija - ne starije od 3 mjeseca).
5. Uvjerenje Ministarstva unutrašnjih poslova da nije kažnjavao za djela koja bi mogla biti ograničenje u vezi s obavljanjem istih ili sličnih poslova na koje se kandidat prijavljuje (original ili ovjerena kopija - ne starije od 3 mjeseca).

O vremenu i mjestu održavanja intervjua, kandidati koji ispunjavaju uslove bit će naknadno obaviješteni. Kandidati koji budu ispunjavali uslove pristupit će intervjuu pred komisijom a predviđeno je i testiranje kandidata koje uključuje provjeru fizičke sposobnosti, prema Planu i programu obuke za stručno

osposobljavanje, uvježbavanje i kondicioniranje profesionalnih vatrogasaca („Službene novine Federacije BiH“ broj 67/13). Kandidati koji budu primljeni u radni odnos dostavit će dodatnu dokumentaciju predviđenu u prijavnom obrascu i ovom oglasu.

Javni oglas bit će objavljen u dnevnim novima: „Nezavisne dnevne novine“, „Oslobođenje“ i „Dnevni avaz“.

Rok za dostavljanje prijava je 26.11.2019. godine.

Prijave sa potrebnim dokumentima slati preporučeno na adresu Općina Tešanj, Trg Alije Izetbegovića 1 sa naznakom za „Javni oglas za prijem u radni odnos broj 08-34-1-3532/19“ ili predati na šalterima Općine Tešanj.

Općina Tešanj zadržava pravo da poništi javni oglas u svakom trenutku provođenja procedure.

Napomena: Nepotpune, neuredne i neblagovremene prijave neće se uzimati u razmatranje.

Dostaviti:

1. Web stranica Općine
2. Arhiva

D. Huskić

OPĆINSKI NAČELNIK
Suad Huskić

mr. sc. Suad Huskić



